

maloljetnog učenika, odnosno učenik ili student sa jedne strane i Općinski načelnik s druge strane.

Član 5.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Predsjedavajući
Općinskog vijeća
Novo Sarajevo
Robert Pleše, s. r.

Broj 02OV-11-2737/21
29. aprila 2021. godine
Sarajevo

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), čl. 19. i 141. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), Općinsko vijeće Novo Sarajevo, na 4. redovnoj sjednici, održanoj dana 29.04.2021. godine, donijelo je

ODLUKU

**O USLOVIMA, NAČINU, KRITERIJIMA I IZNOSU
SREDSTAVA ZA DODJELU JEDNOKRATNE
NOVČANE POMOĆI LICIMA I DOMAĆINSTVIMA SA
PODRUČJA OPĆINE NOVO SARAJEVO**

I. OSNOVNE ODREDBE

Član 1.

(Predmet)

Ovom Odlukom utvrđuju se korisnici prava, finansiranje, uslovi, kriteriji i način za ostvarivanje prava, način provođenja, iznosi i dodjela sredstava za jednokratnu novčanu pomoć licima i domaćinstvima sa područja Općine Novo Sarajevo.

Član 2.

(Gramatička terminologija)

Gramatička terminologija korištenja muškog ili ženskog spola podrazumijeva uključivanje oba spola.

II. KORISNICI PRAVA I FINANSIRANJE

Član 3.

(Korisnici prava)

- (1) Sredstva se dodjeljuju licima i domaćinstvima koji imaju prebivalište na području Općine Novo Sarajevo najmanje jednu godinu prije podnošenja zahtjeva za jednokratnu pomoć.
- (2) Sredstva se dodjeljuju i licima i domaćinstvima kojima je priznat status raseljenog lica, a imaju boravište na području općine Novo Sarajevo, najmanje jednu godinu prije podnošenja zahtjeva za jednokratnu pomoć.

Član 4.

(Finansiranje)

Sredstva za dodjelu jednokratne novčane pomoći utvrđuju se u Budžetu Općine Novo Sarajevo za svaku kalendarsku godinu. Raspodjela novčanih sredstava za ove namjene vršit će se u skladu sa raspoloživim sredstvima u općinskom budžetu za tekuću godinu.

**III. USLOVI, KRITERIJI I NAČIN ZA OSTVARIVANJE
PRAVA NA JEDNOKRATNU NOVČANU POMOĆ**

Član 5.

(Uslovi i kriteriji za ostvarivanje prava za participaciju u liječenju)

- (1) Za participaciju u liječenju teških oboljenja, ostvaruje se pravo na jednokratnu novčanu pomoć, a prema Listi teških bolesti, odnosno teških tjelesnih povreda temeljem kojih se ostvaruje naknada za slučaj teške invalidnosti ili

teške bolesti ("Službene novine Federacije BiH", broj 30/05).

Razmatranje zahtjeva će se vršiti na osnovu preporuke stručnog lica medicinske struke koja treba biti dostavljena uz zahtjev.

Za navedene namjene lica sa malignim oboljenjima u prvoj godini liječenja mogu ostvariti jednokratnu novčanu pomoć u iznosu od 1.000,00 KM, a narednih pet godina liječenja u iznosu od 500,00 KM. Lica sa težim i hroničnim oboljenjima mogu ostvariti jednokratnu novčanu pomoć u iznosu od 500,000 KM.

- (2) Za participaciju u nabavci lijekova, ortopedskih pomagala i drugih medicinskih aparata, za koje nije predviđena participacija ili je predviđena djelimična participacija od strane Zavoda zdravstvenog osiguranja Kantona Sarajevo, a propisani su od strane nadležne medicinske službe kao terapija ili sredstvo koje će uticati na poboljšanje zdravstvenog stanja lica, uz dokaz o ukupnim troškovima, može se ostvariti pravo u iznosu od 50% cijene, ali ne u iznosu većem od 1.000,00 KM.
- (3) Porodice koje imaju dijete ometeno u fizičkom ili psihičkom razvoju, što se dokazuje pravosnažnim rješenjem donesenim u skladu sa Pravilnikom o utvrđivanju preostale sposobnosti i razvrstavanju djece i omladine ometene u psiho- fizičkom razvoju ("Službene novine Kantona Sarajevo" broj: 20/08 i 5/12), a do navršenih 27 godina života, mogu ostvariti pravo na jednokratnu novčanu pomoć u iznosu od 400,00 KM.

Član 6.

(Uslovi i kriteriji za ostvarivanje prava za lica i domaćinstvima u stanju socijalne potrebe)

- (1) Jednokratna novčana pomoć se dodjeljuje licima i domaćinstvima u stanju socijalne potrebe, odnosno licima i domaćinstvima kojima je neophodna pomoć radi savladavanja socijalnih i drugih teškoća i stvaranja uslova za zadovoljavanje osnovnih životnih potreba, a ukoliko se te potrebe ne mogu zadovoljiti u drugim sistemima socijalne zaštite.
- (2) Ukupan prihod domaćinstva kao uslov za ostvarivanje prava čine prihodi svih članova domaćinstva ostvarenih po bilo kom osnovu.
- (3) Lica i domaćinstva koja se nađu u stanju socijalne potrebe, a čiji prihodi po članu zajedničkog domaćinstva ne prelaze iznos 20% prosječne plaće isplaćene u skladu sa važećom Instrukcijom o iznosima novčanih davanja po Zakonu o socijalnoj zaštiti, zaštiti civilnih žrtava rata, i zaštiti porodica s djecom, mogu ostvariti pravo u iznosu od 100,00 KM zajednog člana domaćinstva, a za svakog narednog člana domaćinstva ovaj iznose će se uvećati za 50,00 KM.
- (4) Lica u stanju socijalne potrebe mogu ostvariti pravo na jednokratnu novčanu pomoć po uslovima iz člana 5. stava 2. Odluke.
- (5) Članovima domaćinstva smatraju se podnosilac zahtjeva i lica koja se nalaze u zajedničkom domaćinstvu sa podnosiocem zahtjeva (dokaz kućna lista ili potvrda mjesne zajednice).
- (6) Za navedene namjene pravo na jednokratnu pomoć ne mogu ostvariti domaćinstva čiji je član poreski obveznik, te vlasnik ili posjednik motornog vozila, osim ako vozilo služi kao ortopedsko pomagalo.

Član 7.

(Način za ostvarivanje prava)

Zahtjev za jednokratnu novčanu pomoć se predaje Službi za socijalna pitanja, zdravstvo, izbjeglice i raseljena lica na propisanom obrascu, na kojem je navedena dokumentacija koju je potrebno priložiti, a kojom se dokazuje ispunjavanje uslova i kriterija za dodjelu jednokratne novčane pomoći iz članova 5. i 6. Odluke.

Ukoliko se iz priložene dokumentacije ne može utvrditi da li podnosilac zahtjeva ispunjava uslove i kriterije, Služba će zahtijevati dostavu dodatne dokumentacije.

IV. NAČIN PROVOĐENJA, IZNOSI I DODJELA SREDSTAVA

Član 8.

(Provođenje)

Općinski načelnik imenuje Komisiju za raspored sredstava po Odluci o uslovima, načinu, kriterijima i iznosu sredstava za dodjelu jednokratne novčane pomoći licima i domaćinstvima sa područja Općine Novo Sarajevo, koja razmatra pojedinačne zahtjeve.

- (1) Zahtjeve za dodjelu novčane pomoći Komisija će razmatrati po potrebi, a najmanje jednom mjesečno.
- (2) Na osnovu prijedloga kojeg utvrđuje Komisija, Općinski načelnik donosi Zaključak za isplatu novčanih sredstava za dodjelu jednokratne pomoći. Sredstva se realizuju putem Službe za socijalna pitanja, zdravstvo, izbjeglice i raseljena lica, a za realizaciju Zaključka zadužena je Služba za privredu, budžet i finansije.
- (3) O realizaciji sredstava, po odredbama ove Odluke, Općinski načelnik informiše Općinsko vijeće jednom godišnje.

Član 9.

(Iznos i dodjela sredstava)

- (1) Visina jednokratne novčane pomoći ne može biti manja od 100,00 KM niti veća od 1.000,00 KM, a visinu pomoći pojedinačno predlaže Komisija, u skladu sa članovima 5. i 6. Odluke, u svakom konkretnom slučaju.
- (2) Ukoliko podnosilac zahtjeva ispunjava uslove po više osnova, može ostvariti jednokratnu novčanu pomoć po svim osnovama, ali ne u iznosu većem od 1.000,00 KM.
- (3) U izuzetnim slučajevima, kada Komisija ocijeni da je neophodno, uz dokumentovana obrazloženja može predložiti Općinskom načelniku dodjelu većeg iznosa novčane pomoći od visine utvrđene stavu 1. ovog člana.
- (4) Komisija može predložiti Općinskom načelniku dodjelu jednokratne pomoći licima koji imaju prebivalište na području druge općine, ako su do preseljenja na drugu općinu imali boravište ili prebivalište na području Općine Novo Sarajevo, ukoliko dostave dokaz.

Član 10.

(Ograničenja)

- (1) Novčana pomoć licima i domaćinstvima na osnovu ove Odluke može se dodijeliti samo jednom u toku kalendarske godine.
- (2) Pravo na jednokratnu pomoć ne mogu ostvariti lica koja su jednokratnu pomoć ostvarila putem Službe za boračko - invalidsku zaštitu Općine Novo Sarajevo.

V. PRELAZNE I ZAVRŠNE ODREDBE

Član 11.

(Prestanak važenja)

Stupanjem na snagu ove Odluke prestaje da važi Odluka o uslovima, načinu, kriterijima i iznosu sredstava za dodjelu jednokratne novčane pomoći licima i domaćinstvima sa

područja Općine Novo Sarajevo ("Službene novine Kantona Sarajevo", br. 13/15, 15/18).

Član 12.

(Stupanje na snagu)

Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-11-3216/21
29. aprila 2021. godine
Sarajevo

Predsjedavajući
Općinskog vijeća
Novo Sarajevo
Robert Pleše, s. r.

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), člana 45. stav (1) Zakona o Pravobranilaštvu ("Službene novine Kantona Sarajevo", broj 33/08 - Novi prečišćeni tekst, 7/12 i 44/16), člana 15., u vezi sa članom 18. Odluke o Pravobranilaštvu Općine Novo Sarajevo ("Službene novine Kantona Sarajevo", br. 9/03 i 53/16), člana 19. stav (1) alineja 24. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 -Ispravka), Općinsko vijeće Novo Sarajevo, na prijedlog općinskog načelnika, na 4. redovnoj sjednici, održanoj dana 29.04.2021. godine, donijelo je

ODLUKU**O IMENOVANJU PRAVOBRANIOCA U PRAVOBRANIŠTVU OPĆINE NOVO SARAJEVO**

Član 1.

(Imenovanje)

Midhat Mehmedović - imenuje za pravobranioca u Pravobranilaštvu Općine Novo Sarajevo.

Član 2.

(Mandatni period)

Pravobranilac se imenuje na period od 4 (četiri) godine.

Član 3.

(Stupanje na snagu)

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02OV-04-3217/21
29. aprila 2021. godine
Sarajevo

Predsjedavajući
Općinskog vijeća
Novo Sarajevo
Robert Pleše, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 19. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), Općinsko vijeće Novo Sarajevo, na 4. redovnoj sjednici, održanoj dana 29.04.2021. godine, donijelo je

ODLUKU**O IZMJENI ODLUKE O NOVČANOJ POMOĆI PORODILJAMA KOJE NISU U RADNOM ODNOSU**

Član 1.

(Izmjena)

U Odluci o novčanoj pomoći porodiljama koje nisu u radnom odnosu ("Službene novine Kantona Sarajevo", br. 23/17, 6/20 i 31/20), u članu 5. iznos "80,00 KM" mijenja se i sada glasi "100,00 KM".

- (7) Članovi Nadzornog odbora moraju ispunjavati uslove u pogledu stručnosti, iskustva i druge uslove u skladu sa važećim zakonskim propisima.
- (8) Za predsjednika i članove Nadzornog odbora ne mogu biti imenovana lica:
- osuđivana za krivična djela i za privredne prijestupe nespojive sa dužnošću u Nadzornom odboru pet godina od dana pravosnažnosti presude, isključujući vrijeme zatvorske kazne,
 - kojima je presudom zabranjeno obavljanje aktivnosti u nadležnosti Nadzornog odbora,
 - starija od 70 godina na dan imenovanja.
- (9) Sjednica Nadzornog odbora održava se najmanje jednom u tri mjeseca.
- (10) Inicijativu za sazivanje sjednice Nadzornog odbora, može dati direktor ili Osnivač.
- (11) Sjednicu Nadzornog odbora saziva predsjednik Nadzornog odbora.
- (12) Rad Nadzornog odbora biti će regulisan Poslovníkom o radu Nadzornog odbora.
- (13) Nadzorni odbor odluke donosi većinom glasova ukupnog broja članova Nadzornog odbora."

Član 4.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-04-4731/22
28. aprila 2022. godine
SarajevoPredsjedavajući
Općinskog vijeća
Novo Sarajevo
Robert Pleše, s. r.

Na osnovu člana 13. stav 2. alineja 12. Zakona o principima lokalne samouprave ("Službene novine Federacije BiH", br. 49/06 i 51/09), člana 19. stav (1) alineja 16. i člana 157. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 - Ispravka) i člana 9. stav 1. Odluke o utvrđivanju javnih priznanja Općine Novo Sarajevo ("Službene novine Kantona Sarajevo", br. 49/15 i 49/19), na prijedlog Komisije za izbor, imenovanja i javna priznanja, Općinsko vijeće Novo Sarajevo, na 15. redovnoj sjednici, održanoj dana 28.04.2022. godine, donijelo je

ODLUKU

O DODJELI JAVNIH PRIZNANJA OPĆINE NOVO SARAJEVO ZA 2021. GODINU

I

(Predmet Odluke)

Ovom Odlukom utvrđuje se dodjela javnih priznanja Općine Novo Sarajevo (Zlatna plaketa, Srebrna plaketa i Zahvalnica) - u daljem tekstu Priznanja, za rezultate postignute u svim oblastima privrednih i društvenih djelatnosti u prethodnoj - 2021. godini.

II

(Dobitnici priznanja i zahvalnica)

Priznanja iz tačke I ove Odluke dodjeljuju se:

- Zlatna plaketa:
 - Nermin - Bela Sukić - posthumno,
 - Adnan Hadžiahmetović - pojedincu,
 - Edna Šunjić - pojedincu,
 - OJ Dom zdravlja Novo Sarajevo - kolektivu.
- Srebrna plaketa:
 - Nusret Aganović - pojedincu.

- KBS "PERFEKT" - kolektivu.
- Zahvalnica:
 - Rifet Džaka - posthumno,
 - Dr. Irena Gagula - pojedincu,
 - Rizah Karić - pojedincu,
 - Melisa Valjevčić - pojedincu,
 - Sadmir Habibović - pojedincu,
 - Ibro Kalafat - pojedincu,
 - Vahida Baručija - pojedincu,
 - Alen Geko - pojedincu,
 - JU Domovi zdravlja - Ambulanta porodične medicine i stomatologija Velešići - kolektivu,
 - KJKP "Rad" d.o.o. Sarajevo - kolektivu.

III

(Objavljivanje Odluke i uručivanje priznanja i)

Odluku o dodjeli Priznanja, iz tačke II ove Odluke, objavljuje Predsjedavajući Općinskog vijeća Novo Sarajevo, na Svečanoj sjednici Općinskog vijeća povodom Dana Općine - 16. Maja, kojom prilikom će biti uručena Priznanja.

IV

(Stupanje na snagu)

Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-04-4728/22
28. aprila 2022. godine
SarajevoPredsjedavajući
Općinskog vijeća
Novo Sarajevo
Robert Pleše, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i čl. 19. i 141. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 - Ispravka), Općinsko vijeće Novo Sarajevo, na 15. redovnoj sjednici, održanoj dana 28.04.2022. godine, donijelo je

ODLUKU

O IZMJENAMA I DOPUNAMA ODLUKE O USLOVIMA, NAČINU, KRITERIJIMA I IZNOSU SREDSTAVA ZA DODJELU JEDNOKRATNE NOVČANE POMOĆI LICIMA I DOMAĆINSTVIMA SA PODRUČJA OPĆINE NOVO SARAJEVO

Član 1.

(Izmjena člana 5.)

U Odluci o uslovima, načinu, kriterijima i iznosu sredstava za dodjelu jednodratne novčane pomoći licima i domaćinstvima sa područja Općine Novo Sarajevo ("Službene novine Kantona Sarajevo", broj 19/21) član 5. stav (3) mijenja se i glasi:

"Porodice koje imaju djecu ometenu u fizičkom ili psihičkom razvoju, kao i porodice djece oboljele od karcinoma, šećerne bolesti, leukemije, TBC, celijakije, kronove bolesti, ulceroznog kolitisa, hepatitisa B i C, epilepsije ili djece sa poremećajem autističnog spektra, što se dokazuje pravosnažnim rješenjem/uvjerenjem JU "Centar za socijalni rad" ili medicinskom dokumentacijom, a do navršeni 27 godina života, mogu ostvariti pravo na jednodratnu novčanu pomoć u iznosu od 500,00 KM."

Član 2.

(Izmjena i dopuna člana 6.)

U članu 6. stav (2) iza riječi "po bilo kom osnovu" interpunkcijski znak "tačka", zamjenjuje se interpunkcijskim

znakom "zarež" i dodaju se riječi "a za zaposlene članove domaćinstva plaća i druga primanja, izuzev naknade za topli obrok i naknade za prijevoz na posao i sa posla."

U stavu (3) riječi "mogu ostvariti pravo u iznosu od 100,00 KM za jednog člana domaćinstva, a za svakog narednog člana domaćinstva ovaj iznos će se uvećati za 50,00 KM" zamjenjuju se riječima "mogu ostvariti pravo u iznosu od 200,00 KM za jednočlano domaćinstvo, a za višečlano domaćinstva ovaj iznos će se uvećavati za 100,00 KM za svakog sljedećeg člana domaćinstva."

Stav (6) mijenja se i glasi: "Za navedene namjene pravo na jednokratnu novčanu pomoć ne mogu ostvariti domaćinstva u kojima je jedan ili više članova zajedničkog domaćinstva vlasnik privrednog društva ili ima registrovanu obrtničku ili srodnu djelatnost, osim ako je privredno društvo u postupku stečaja ili likvidacije."

Član 3.

(Izmjena člana 9.)

U članu 9. stav (1) riječi "visina jednokratne pomoći ne može biti manja od 100,00 KM" zamjenjuju se riječima "visina jednokratne pomoći ne može biti manja od 200,00 KM", a ostali dio teksta ostaje nepromijenjen.

Član 4.

(Stupanje na snagu)

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02OV-04-4735/22 28. aprila 2022. godine Sarajevo	Predsjedavajući Općinskog vijeća Novo Sarajevo Robert Pleše, s. r.
---	---

Član 3.

(Načini ostvarivanja javnog interesa)

Javni interes, iz člana 1. ove Odluke, ostvarivat će se davanjem podrške programskim ciljevima i misiji udruženja "Obrazovanje gradi Bosnu i Hercegovinu - Jovan Divjak", kao i na druge prigodne načine (partnerstvo u zajedničkim manifestacijama vezano za djecu i mlade sa područja Općine, i sl.), kroz obezbjeđenje finansijskih sredstava u Budžetu Općine, u skladu sa mogućnostima.

Član 4.

(Prestanak javnog interesa)

Općinsko vijeće može utvrditi prestanak javnog interesa, iz člana 1. ove Odluke, na prijedlog Općinskog načelnika.

Član 5.

(Realizacija)

Za realizaciju ove Odluke zadužuje se Općinski načelnik.

Član 6.

(Prelazne odredbe)

Stupanjem na snagu ove Odluke, stavlja se van snage Odluka o proglašenju udruženja "Obrazovanje gradi Bosnu i Hercegovinu" od javnog interesa za Općinu Novo Sarajevo ("Službene novine Kantona Sarajevo", broj 23/21).

Član 7.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-04-4734/22 28. aprila 2022. godine Sarajevo	Predsjedavajući Općinskog vijeća Novo Sarajevo Robert Pleše, s. r.
---	---

Na osnovu člana 8. stav (1) i člana 13. stav (1) i stav (2) tačka 18) Zakona o principima lokalne samouprave u FBiH ("Službene novine Federacije BiH", br. 49/06 i 51/09) i člana 19. stav (1) tačka 4), člana 141. stav (1) i stav (2) i člana 142. stav (1) tačka 5) Statuta Općine Novo Sarajevo ("Službene novine Kantona Sarajevo", broj 5/20 - Prečišćeni tekst i 20/20 - Ispravka), Općinsko vijeće Novo Sarajevo, na 15. redovnoj sjednici, održanoj dana 28.04.2022. godine, donijelo je

ODLUKU

O PROGLAŠENJU UDRUŽENJA "OBRAZOVANJE GRADI BOSNU I HERCEGOVINU - JOVAN DIVJAK" OD JAVNOG INTERESA ZA OPĆINU NOVO SARAJEVO

Član 1.

(Predmet)

Ovom Odlukom, udruženje "Obrazovanje gradi Bosnu i Hercegovinu - Jovan Divjak" sa sjedištem u ulici Dobojska broj 4, Sarajevo, proglašava se udruženjem od javnog interesa za Općinu Novo Sarajevo (u daljem tekstu: Općina).

Član 2.

(Djelatnost)

Udruženje "Obrazovanje gradi Bosnu i Hercegovinu - Jovan Divjak", prepoznato je od strane Općine kao nevladina organizacija koja pruža dodatnu podršku obrazovnom i humanitarnom djelovanju u državi Bosni i Hercegovini, a čije je sjedište na području Općine.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 19. stav (1), alineja 22. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 - Ispravka) i člana 38 stav (3) Poslovnika Općinskog vijeća Novo Sarajevo ("Službene novine Kantona Sarajevo", br. 24/19 - Novi prečišćeni tekst, 20/20 i 41/21), Općinsko vijeće Novo Sarajevo, na 15. redovnoj sjednici, održanoj dana 28.04.2022. godine, donijelo je

ODLUKU

O IZMJENI ODLUKE O OSNIVANJU KOMISIJE ZA BUDŽET I FINANSIJE

Član 1.

(Predmet Odluke)

Ovom Odlukom mijenja se član 2. Odluke o osnivanju Komisije za budžet i finansije ("Službene novine Kantona Sarajevo", br. 4/21, 11/21 i 32/21) - u daljem tekstu Odluka.

Član 2.

(Izmjena člana 2.)

U članu 2. stav (1) tačka 7. Odluke, "Vugjić Elvedina - članica", mijenja se i glasi "Kosovac Ahmed - član".

Član 3.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-04-4736/22 28. aprila 2022. godine Sarajevo	Predsjedavajući Općinskog vijeća Novo Sarajevo Robert Pleše, s. r.
---	---